

三十六灣草廬稿

三十六灣草廬稿卷三

三長物齋叢書

寧鄉黃本騏花耘著

張笠漁

敬直

霞川

聿謏

敘五

敬典

邀同周十穉圭

之珣遊岳麓有作

孤雲戔戔青一握觚稜摩蕩蒼山角七十二峯天南來
莽然到此一結束清河昆季中州英餐淥湘波泛湘曲
周郎年少氣亦道願身玉立清於鵲渡江十里桃花風
紅雨灑袖春麗蹶路轉山腰冷翠飛嶺岬幽峭樹旌纛
樞衣蹻捷凌天風疾趁高鳥出林末卧蛇仄徑石槎枒
鞞聲帽影高低續躍身絕頂捫層霄昂頭箕踞坐苔褥

俯瞰潭州烟茫茫千里百里關城綠
羣松屈鐵蚪鱗枯
穹碑插笏龜趺踣四圍屏巘怒猗猗如探
娜嬛秘書讀
君家宅繞崧高雲聯峯尻脰三十六中條
太室紛鉤梯
河嶽英靈鬱清淑嬌嫵妍醜詎頡頏隘
關一隅天跼促
胡爲拄杖恣盤桓飽飫糠粃吐梁肉走也
頗亦癖名山
大江南北騁吟矚騎鯨醉蹋九蓮花黃海
雲濤盪胷腹
歸來不耐眠蓬蒿此間還復抒幽獨
去年題句蒼崖巔
墨瀋淋漓影斑駁瞥眼東風一度過
浮嵐依舊堆巉巖
抱黃洞口搖寒筠雲麓宮簷漱飛瀑
開襟暫契烟霞遊
賞雨他年買茅屋

林醇叔大令 崑瓊雪棧圖

平生游覽不到蜀往往清夢飛峨眉劍關雙闕插鳥外
天梯九坂雲鬼鬼雪花六出大如掌餓鷗風吼銀濤吹
青城玉壘變窪凸白鹽赤岬明厓屨老樹凍脫夜叉髻
千仞萬仞峩琉璃仰見半霄落縞帶一綫棧道羊腸迴
吁嗟險怪有如此使君叱馭英風開青笠紅衫何卓犖
側身驢背雙趺飛珊瑚躍立瓊峯頂迸落巖石歛陰雷
是時欖槍纏隴首狼烽紅燭天南陲硯冰呵草馬卿檄
霜磨鐵盾駢熊羆不然黑夜斫妖陣鵝鴨聲亂殲渠魁
迺今浮雲掃螭虺鵝溪尺牘彷彿之展玩冷氣吹毛髮

夔巫峯影環鶴巖僕從汴京歸湘澧河聲嶽色留鬢眉
未似漢嘉老太守與君韉勒爭騰馳會看鳴騶陪

扈蹕

林時登薦計將北上

盤鵬雪打天山圍

唐秋濤判官

景熾

雪棧圖

十年前繪此圖昨年來使興安適經棧道信前

因也

大癡癡絕雲林迂雪峯斧劈環枯株二千九百八十九
棧閣盤蛇踰鳥雲模糊大峩小峩晃敝敝銀花粉絮光
有無使君躍出黔驢背酡顏鶴氅貂襜褕手拗梅花問
春信寒香飛迸紅珊瑚咄哉君家鶯脰湖秋風千里餐
莼鱸胡爲剪破吳淞練蠶鼓一線開夔巫乃知前緣有

如此真宰漏洩生綃裏
去年鞅掌走興安
飲馬嘉陵江
心水層巒劈面鬱
龍從林梢慘澹蒼煙起
金牛峽轉雞頭關
褰斜四百七十里
雨雪載塗馳皇華
天梯劒闕紛礮礪
十載入畫今來遊
醉攀絕磴明雙眸
歸來大笑展圖障
恍如羈絆天西頭
何當三刀入清夢
尋蹤細認鴻泥畱
又蹋冰巖自來去
鞭絲帽影追飛猱
不然載酒凌雲頂
誰願生識韓荊州

送春

粘天芳草青糝地
楊花白流鶯百囀中
春風忽如客至
德湛無私養我中
田麥成功決然去
萬物欣俱得攜來

酒一觥聊與酌行色

寄唐五竟海

離思轆轤如筒車輾轉墨翎翻飛鴉千轉萬轉輻軸脫
鳴珠噴沫風呀呀邇年潤跡寄城市一厘破屋巢圓蝸
埋獄夜嘯龍津劍登場朝摻漁陽搥乞食詩章乞米帖
蛛塵罥篋堆紛拏老母強顏自慰藉稚子呱乳聲嚶啞
默然拱立癡無語心頭萬箭攢鞘數日取長紳裂朽腹
饑蟲嚼喉涎流牙偶倚齊門羞濫吹何曾幕府開蓮花
青燈豆爆緇蟬帙疑鼓力闢豪釐差隔靴搔癢笑何補
難覓長爪麻姑爬安得凌風到吳會飽聽玉屑流滂葩

知君侍養姑蘇館凝香清晝聞傳荷金閨楊柳繞亭綠
花廳錦絡騰春華往往得句肖天秀吳僧坐吟千淫蠹
遠錫百朋緘雙鯉有如墮海躋浮楂我輩相許在肺腑
慙愧寧惟口角誇短幅匪云瑠瑤報目注江樹紛煙霞
夜過北城精舍

背郭開精舍疎排八面櫺峯分雙筍綠石養一拳青宿
樹雲依榻陪花月到亭鐘魚傳梵唄俗耳洗泠泠

讀書偶然作

牖底摩挲一寸陰千秋經濟重儒林詩書養盡蒼生命
雷雨藏歸學者心驚座風迴捫蝨計顧廬雲起卧龍吟

聖朝久下求賢詔抱膝何人自負深

信陵

魏轡色愈和觀駭夷門市市屠賣漿家乃得天下士謙
尊而忘貴下交先忘恥義憤約車騎赴徇邯鄲死兵符
竊如姬鐵椎殺晉鄙存趙卽存魏寧私平原姊駐車搗
函關奮然英風起六雄殘魚肉慨慨賴有此特筆太史
公褒之曰公子

平原

賓客數千人不知有毛遂可惜美人頭謝此槃跚輩按
劍楚王驚進奉銅盤跪回頭笑錄錄因人以成事危哉

邯鄲圍遮援魏無忌敢死却秦軍愧殺傅舍吏

淮陰二首

帶劍中情怯英雄胯下來蒯生知背貴漂母亦心哀落
日淮陰市愁雲大將臺如何王請假躡足起疑猜
吾亦欲東耳王言史筆留陳豨成密語呂雉太陰謀我
固當烹狗人惟笑沐猴豈知能將將雲夢僞來遊

閔侯

帝師經濟忍風塵進履橋邊跪老人大計誰知燒此棧
兵書天不火於秦一椎擊起英雄膽四皓招扶太子身
老去拂衣從辟穀智謀冠絕漢廷臣

曲逆

糠覈食而肥美好如冠玉使平宰天下亦當如是肉雲
龍起碭山奇計凡出六居鄆奇計人玩弄在掌握智哉
馳宮門奏事喪前哭飲醇近婦女臨光沮讒譟陵勃俱
不如陰謀誅產祿犯禁多陰禍謀國焉謀族吁嗟好讀
書書固須善讀

山寺納涼

佛地淨無暑蕭閒脫素襟背花醫熱眼就樹養清心似
對冰壺朗寧嫌火繖臨風鱸烹綠雪一榻篆煙沉

張大笠漁家藏沈石田畫八幅共爲一軸錄其詠

跋於左或題或和以志賞心

昔在天全徐先生處觀大凝富春山圖神想卧

遊其間彷彿點染聊存萬一沈周

此幅層巒聳翠環繞釣臺

七里瀨盤旋如帶隱現山光樹影間令我坐懷吳越歸舟時烟嵐如在眼底也

當年弭綽富春渚灘聲七里挾飛雨青巒插戟天半開

中有嚴陵之釣臺咄咄清名滿天地高風在昔誰能儕

詩人語寤畫史笑粉墨脫紙烟雲飛吾家一峯久不作

範水模山想磅礴白石仙翁筆力殊臨撫紙背精光躍

嵐浮大澤影模糊一線寒流繞山腳蒼然漢樹枯無枝

巖陰秀鬚露村閭吁嗟子陵去千載此圖又經三百秋

神完駭走蝨灰絲猶認垂釣披羊裘萍蹤過眼未攀躋
夢魂長被松楸隔當軒湧現真面目如鼓越柵來重遊

看雨春山中晴日未可及巒華與嶺秀濯濯翠

流汁水墨間卷畫屏風四圍立雜花逗餘紅雅

興松共濕低雲滿山戶似愛幽者入我初作靜

觀併喜

缺字

靜習紛紛治遊子此景不可給有

詩在此境佳句待人拾詩腸倘乾燥亦許借潤

浥持之報楊子正可事笠屐雨中看山寄楊儀

部沈周

此幅小山一疊春樹幾株枯樹幾株樹中茅屋半露對峙懸厓一角淡染粗塗

寥寥數筆便有天然之趣

層山湧筆頭未湧眼先及疎疎劈大斧半是水墨汁生
添樹幾株倔強離紙立蒼然吹春來綠灑巾袍濕草屋
闌無人讓與雲出入知翁癖此山畫此亦結習詩酒翁
周旋煙雨山供給腕力迴千鈞如弦鉤決拾翻嫌江上
峯青影少潤渴欲買囊無錢坐蠟平生屐

微黃冉冉柳生姿數日春晴陡有私新水一陂

他自暖跳魚何故却先知沈周

此幅潁水新柳
雨絲一側挺一

阮生中夾雜樹一株叢竹
生柳根下對岸遠山幾疊

長條踈浪裊春姿癡絕垂楊綠自私逼肖東坡詩裏畫
春江水暖鴨先知

雲壑風泉處處宜詩囊酒榼大家嬉人來人往

春無主日短日長天有時墮腐園林看蠟競插

花山轎看蜂隨野僧未識登臨樂靜自關門笑

客癡右春山暮行沈周

此幅雨崖對關中開小坪二人對飲其上樽罍

錯列坪旁有泉涓涓環流右崖頭老樹數株山寺露

如此邱壑畫中宜此翁此畫如兄嬉令人長得飽春色

想我亦曾遊昔時翠落酒盃絕不為人吹崖磬與之隨

老樹無影山無壘半倪雲林半大癡

半抱春寒薄染煙一梢斜露曲牆邊東家小女

貪粧褻聽買新花破曉眠沈周

此幅桃花五六株雜樹二三株

中露小閣閣中有榻榻上有書對榻有小坐統
閣有閣閣內花底二人立語閣外萬竿烟竹叢
生小洲洲旁
半路一艇

午夜桃花笑綠煙短闌斜界綺寮邊春風記得天台夢
醉抱紅雲十載眠

崎嶇嶮路復平路受用茶杯與酒杯無窮俗事

且一至如此好山須再來隔屋芙蓉清作供繞

牆薜荔亂雲疑成堆老僧好詩復好畫題詩石

壁煙雲開右過一雲沈周此幅斧劈懸厓厓下
春樹幾株一人手指

崖壁一人曳杖來觀崖右一疊
小山幾株春樹樹中露屋兩椽

芒鞋踏破層雲背峯影依稀墮酒杯夢裏青蒼紛湧出

眼前溪壑近飛來，墨淋壞壁苔千尺。樹露欹簷草幾堆，
我讀題詩還讀畫。寒煙慘澹楚江開。

春日春城未得還，笑談因在酒杯間。野人半夜

思農事，自起吹燈寫故山。沈周

此幅石臺高聳，臺下壘石環流。

春樹入九株蟠根石上，石脚陡立江濱。旁泊小舟，舟頭一人獨坐對江青障，插天樹影蒼翠中。小橋橫跨飛流，笏注入江心，宛如燕子磯風景。

鳥篷儼向此中還，江北江南落幘間。飛跨磯頭梯燕子

天邊一髮認青山。

喧市紛聒耳，幽尋達城陰。誰料此城中，其境自

山林。僧寮敞小楹，雅據西水潯。清流可俯掬，鬢

眉亦堪臨返照在東壁水影浮虛金人物相映
瑩寂靜宜道心散木列左右上下鳴春禽疎林
不蔽唐櫟櫟見遙岑游賞莫禁客酒茗喜相尋
借問長來轍記壁會誰吟筆硯我所事可以開
煩襟右夏日過北寺小叙水閣沈周

此幅二山
平列綠樹

陰濃村屋數椽沿山夾樹而起山連忽斷橫支
短約一人策杖來過橋側懸厓陡起絕頭一茅
屋環以老樹遠山一髮雲影濛濛
濛隱露城齒森列鳳闕雙飛

城頭闊雙闕靄靄浮雲陰達人豁天眼城市皆山林
霞界泉峽綠樹眠烟潯中橫短木杓扶杖時一臨蚩蚩
塵鞅客貂敝走黃金焚琴煮仙鶴何人知我心此意偶

瀟瀟語之於鳴禽回頭瞰飛翠茅亭冠危岑老僧頗亦
韻招提言相尋半寸墨花乾誰能來續吟繪補蒼蘚壁
長嘯風生襟

沛然行

連朝暑氣不可當熅熅坐甑如中酒沛然雨師飛鞋來
鞭笞火龍曳尾走如布清惠來賢宰慘毒胥吏恇縮手
如導沴滯來良醫燥灼豎子嚇囚首急洗汗穢肅衣冠
焚香默謝頭九叩要知此夜滿城人仰天叫快均一口
我願九夏長如此雨若暘若無猜耦時清

聖人坐明堂尙德緩刑培忠厚

野望

江堤夜雨洗塵沙
曉霽新開野望賒
地有秋風培麥秀
天隨春意養榴花
藏林屋露青鶯瓦
近水隣通白鷺家
此處倘容假棲息
釣篷魚稅飽生涯

尊

一匙羊酪敵江東
錦帶銅釵臭味同
千里相思生綠水
五湖無夢飽秋風
探珠欲割龍髯紫
摘露如烹鴨腳紅
笑引吳僮歸計決
鱸魚尺半飯烏篷

杜鵑

午夜離愁落酒卮
杜鵑聲裏聖先知
雲遙棧閣魂千里

月黑叢林血滿枝關驛行人家在夢河橋立馬鬣如絲
欲歸無計頻回首慘澹天涯入聽時

贈張笠漁

彩筆豪情買綠鬟翩翩天上謫仙班眉橫俠氣譚長劍
胷養春風畫遠山廿載夢留嵩嶽頂一船家住洞庭間
疎才愧濶芙蓉幕合有西銘訂我頑

徐芝厓司馬

維麟

蓀蘭圖

我亦楚狂人吟髭沁蘭芷鼓枻汨羅江魚腹呼屈子芳
草思美人女蘿泣山鬼滋彼九畹花一縷魂未死露涼
月在天香風滿沅澧而君秀吳門清芬與之似芟製夫

客裘綬佩秋繁繁飲酒讀離騷風流真名士繞坐幽巖
來飛飛灌寒髓科頭嘯盤陀巖竇綠茵茵到門裊衣香
索我題此紙與以同心言盟之瀟湘水

望衡

突兀翔雲出船頭坐望衡萬峯分秀色一柱鎮炎精地
湧閩荆楚天低劉雨晴瞥驚州翠起塢影露孤城

衡山縣

墨花飛動影巉巖洗筆高題碧蘚巖拱嶽峯巒低萬笏
圍城波浪插千帆蕭颯塢頂寒烟合樹隱樓簷落日銜
頭上忽看雲片黑江風吹雨濕青衫

望衡

不盡青蒼影，高高渺莫攀。
維南天有柱，此外楚無山。
雲氣峯峯幻，湘流面面環。
刺船來水宿，飛夢越孱顏。

五月四日江干卽目

繫纜漁樵倚石根，江干漠漠野雲昏。
榜家風信占天黑，網戶生涯駭水渾。
芳草半灣藏短杓，榴花一樹繞孤村。
來朝競渡船先試，宛駕飛龍迓屈原。

是日彩船游湖，江心名試渡。

午日舟中四首

泯泯湘流一鑑開，蒲風艾雨隔江催。
棟筒角黍妨蛟食，訥駕龍船鼓譟來。

畫鼓聲寒儼降神金支翠羽十分新吾鄉信鬼從來慣
此事荒唐尙快人

競渡聲停酒數巡老拳喧鬪滿江濱三閭醒眼沉魚腹
看爾千秋醉裏人

吹暑南風狡獪生掀天波浪大江橫至今莫白冤纍恨
忠憤何堪易暴名

是日大風舟
子呼屈原暴

野泊

野泊依荒岸開篷露氣侵片雲穿嶺背孤月印潭心燈
影遙臨水人聲半出林不眠忘夜永涼意滿衣襟

浮萍

浮萍寄天地江海無定根隨風偶漂泊而與溝水親少年盛意氣慷慨驅飈塵鳴鑣長楸道振袂銅駝門雄劍秋宵動顧盼凌青雲長揖諸侯幕言論屈座人讒媒動見嫉幡然歸故園鍵戶晦文翰聲華銷賤貧驂駟絀棧櫪鵝鶴巢荆榛虞卿北去趙季子西困秦古人蹈高轍豈不邁凡倫泥塗未虎嘯硯璞疇能分

赴攸縣

寄身烟水狎鷗盟盡日湖山管送迎一陣黃梅新雨過風吹帆影到梅城

昭陵灘

孤艇投棹去颼颼掠耳風鳴灘千石怒鬪水一帆雄生
死關俱判榮枯念早空臨深無孝子愧我逐飄蓬

攸江夜眺

野翠傳風落石砧蟾鉤挂樹影幢幢梅城賣酒人歸去
船載紅燈夜過江

茉莉花

銀絲串串玉森森月影昏黃雪影沉夜半夢回雲墮枕
一枝香沁美人心

攸縣官廨後小亭偕同人招涼

徑僻芟榛芴園荒滌蕪葳蕤然敞孤亭綠陰繚以靄夕

霽澄新涼招邀結小隊一笑裸跣跌禮豈爲吾輩細睇
天無雲蒼壁湛磨類兩腋清風來溽暑疎而退佐以荷
倚飲寒泉灑吟背繞檻萍浮池波紋爛塗續螢燄攬星
飛人聲亂蛙吠坐久漏已闌簷花滴沉澁倦穿叢林歸
月影墮衣碎

憶家三首

想得慈幃淚霑衣又幾時一燈聽夜雨萬念到癡兒定
省貧逾缺艱難老更支_白雲瞻望處此罪寸心知
弱冠吾家虎_虎癡論文夜對牀離心驚兩月旅夢咽三湘
有約趨蓮幕何時到桂陽雁鴻無一字吟望立蒼茫

點石終無術蕭然豈救貧半齡憐幼子入口累家人我
已羞齊吹誰能指魯園埋頭書一卷聊與共艱辛

夜坐

新盡天邊樹扶將落月回冷風捎耳過涼意盪心開花
影紅粘袖螢光綠墮杯一聲孤鶴唳如嘯阮公臺

舟臥

舟臥江雲黑迷茫萬頃秋關山圍旅夢風浪碎吟愁來
此甚無賴於人何所謀披衣頻起坐月影漏中流

宿草市

風逼孤帆落荒荒泊野濱啼林山有鬼攫浪石如人簸

蕩心情練饑寒學味醇何須占履險難荳燭嶙峋

舟中觀山

破天青到水船外數峯尖石齒開雲竇松梢挂瀑簾風
生樵子斧花亂野人檐坐覺前山暝蒼然靄翠添

贈胡滄門

大觀

別君三泖九峯間一笑相逢鬢髮斑城繞梅花詩滿屋
五年歸夢老青山

秋夜對月

傳鼓遙聞散晚衙莎廳涼露影參差無多詩債酬明月
未了秋心護桂花巢鳳琴材焦爨下躍龍劍氣嘯天涯

西風獵獵衣裳冷作賦蘭成又憶家

癸亥九日胡滄門偕其伯兄起三學博招同張笠
漁霞川敘五登靈龜峯小飲次滄門韻三首

聯袂蕭蕭蹋上方天無風雨攪重陽雲粘屐齒苔痕紫

酒漉巾頭菊影黃東道故人來二陸西園公子又三張

定知彩筆描蛾手粉稿臨摹紙霜

笠漁擬將此
遊繪成小幅

湖海歸來兩鬢秋布衣仍自傲通侯鸞山綠黛闌詩社

鶴市紅裳夢酒樓獺鬼黃囊畱左臂驚人糕字在前頭

君家教授尤蕭澹指頰峯巔倒百甌

起三觴
政尤豪

層樓孤湧倚天關滌盪塵衫尺五攀繞檻寒烟團絳樹

懸簷落日射銅環。林巒笏笏青。千朶竹屋鱗鱗綠。一灣
吹帽風來齊仰笑。靈龜峯影似龍山。

書陸雲士圓圓傳後

醉脫征袍夜讌開。馬馱紅粉踏香埃。君王已死姬人在。
怒出關門乞救來。

醉後書

薄醉渾如悶挑燈。落燼紅吟心生夜雨。秋骨鍊西風笑。
作巢檐雀驚聽出塞鴻。天涯雙眼白浩蕩幾人同。

燕賞木芙蓉次韻畲羅梧邨

萬選

懶把青芙蓉。雲海躡盧茨。來看河陽花。西風紅一院。萬

木冷寒煙奇貨秋光街盡簪招朋僚投轄敞花讌酒令
翻藏花畔牙嘲詭徧一呼花影飛珊珊墮缸面愛爾江
東生黃氣眉間見訝帽想英年人鏡影歡忭天葩燦銀
鉤墨灑紅絲視欲和怯腸枯未寫愁腕倦拈鬢坐花陰
花態逞萬變臨風笑嫣然烟若投壺電

友人采芝圖

天風吹翠落巖石嵒岬萬竅森秋壁雲氣橫纏練帶飛
一縷寒泉破叢碧陂陲坐嘯者誰子手把瓊芝脫帽蓆
香搖三秀颭鬢眉駢跼影炫珊瑚赤我曾夢謁商山巔
欲折仙萼吸仙液綺黃化鶴草無根林洞蒼嵐澹行迹

巖陰何處滋萌芽一莖却讓君先摘披圖半日雙眼瞠
便思掉臂隨君行長鑱長鑱白木柄攜去松邊掘茯苓

張竹泉刺史範邀食蟹席上作

鉤簾秋影沉瀟湘江湖清夢生花堂朝餐嚙口厭鮭菜
筠筐戔輩漚含黃尖老黑甲毛絲蜜釀團臍擘紅玉
刺史風流今畢卓右手持盃左手捉云此風味非尋常
不數侯鯖公膳薦馬長卿夢蠻蜚嘲沈昭略嗜蛤蜊肉
我持犀筋搏糖糟隨憶鰲門錢塘潮水精樓閣蛟噴雨
蛟山燄扇飛岩峩雲間二沈有彌癖潮頭葦觥紛城壕
絳螭雙枝爛彩幕鸚哥背燕紅蒲紅錦衫濺血炙我舌

膨脝腹漲如懸匏共誚爾雅讀未熟渡江來此安賢豪
吁嗟往事復何有風燈五年難回首公言且覆眼前盃
浮雲遮莫變蒼狗堆盤大張酒人軍老夫一石子一斗
蟹乎蟹乎汝無腸我亦無腸能貯酒

送張十一霞川歸中州

低簷寒雨漏雲脚梅城白浪高於閣悄然聞君起急裝
令我突作十日惡君言久客倦風塵定省兩載疎晨昏
椒盤正及獻新歲斑斕隊舞添歸人吁嗟君作湖湘客
買帆欲歸歸便得黃童生長家湖湘翻如逆旅蒼黃色
傭春乞米伯通橋牽船乏水張融宅是日祖帳紛聯翩

霜螯香濺梅花筵窮愁笑我囊無錢不餞酒杯餞片言
文章濟世我輩事萬卷未破猶蹄筌體明用達致身早
要令白髮歡心顏詩成自覺墨飛舞緘君行滕好藏弄
瑤琴天末倘相思開詩見我我應語

題劉芭汀懷人絕句後

歲莫懷人四十首才流傾寫入詩囊笑他鮑老耶耶舞
務面花奴也出場

懷余句云談詩不畏時
流忌古調猶兩漢魏音

題梅翁小照

攤書畫卧腰腳疲吳生扣門來索詩展開一軸吳綾障
堂灼蕭颺涼颺吹絲簃陰森綠墮地火繖燭穹午不知

清溪灣迴支短舸繞磴半股流泉飛就中一翁科頭坐
肩披窄袂手蒲葵慨慳鬢眉湖海氣神完真却千熊羆
得非鋤榮藏邱壑消磨經濟和天倪漁竿煙月盟鷗鷺
杯杓風流揖阮嵇吳生笑言君不識此翁自負非凡才
壯歲挾策走秦晉汾雲棧樹環輪蹏廓落老大百無用
拂衣長嘯歌歸來我聞此言重回首我亦雪爪留鴻泥
蕭蕭短劍風煙晚珊瑚鞭珠絡吳雲西要瞰滄海扶桑日
錢塘夜半聽潮雞邇今倦遊臥三載未得如翁林泉棲
何當買田到陽羨簞簞雨園松籬

調張公子

門掩雙扉六枳籬
桃花前度繫相思
由來天下癡情者
多在春風半面時

題小青傳後

一枝梅影落粧樓
畫裏啼痕鏡裏愁
情字從來難劈破
小青真箇死風流

壽張竹泉刺史百韻

崧高鍾傑彩河洛吐精英
颺系縣京兆桑隣溯步兵
星躔聯翼軫仙秩炳璇衡
苞采威翔鳳隴嗜瑞舞鵬鴻
勲書廿載聰影躍雙旌
琴鶴清貧慣冠貂畫錦明
一船官楚水奕葉詠江蓠
珪組牀前笏幢幃夢裏軒

刺史三州
宦湘中太

父艾齋先生薨於善化卒
暑時人夢幢幡迎城隍云
踵鳧飛蹟先工馬步行此邦真有福當世以爲榮憶昔
人如桂由來樹是瓊珊瑚枝紅七尺瑤草綠三莖慧悟吞
羅鳥豪才賦瀟湘花開匝筆瓮芸護讀書棚豈獨詞章
富還兼翰墨精臨池摹米蔡染黛輾關荆棘院秋風闌
槐宮夜雨傾縹囊裁典誥琅韻戛韶韻絳袖蟾攀樹藍
袍鹿宴華籥雲初得意梯月最關情金墀思題雁瑤林
待聽鶯公孫同射策學士未登瀛迺爲親懷檄因之志
請纓帆移湘岸竹釣卜渭濱璜特綰鄴湖篆頻紆小戶
征奉璋髦士選勒帛醉翁評皎皎冰懸鑑戔戔藻薦賢

材惟翹杞梓植詎棄蕉栴輒萬頹風振不休僞體清參
苓歸藥籠桃李徧門閤保障飛符去都梁疊岫呈政繁
邁小誤履險矢艱貞請

命趨丹陛銜

恩出紫京芷江芳醪醕沅水浪璇琤環戲羊隣在錢文
鸞夢成辰逢申甫降寤記武姜驚百里臨初地三生踐

夙盟

太翁退菴先生宰芷江刺史
生於署中今刺史鍾來任此新題標繡壤換節泣

銀阮洞壑司空岳山川宋令彭壺心知貯玉燈影似籠
晶惠及童馴雉寬容婢污羹仇香鸞雅鵲龐統驥翹趙
報最銘蒼璧酬庸錫白珩銜頭加刺史碑日頌編民涉

澧蘭圍澤夸州翠列營於時叢莽菁遙夜警櫓槍哨聚
潛奸沸訛言走校偵蓮花跳鬼蜮蓬蓽竄鼯鼯磔蝟牙
鋌淬饑鴟箭鏃鳴螢氛森齟齬墨瘴鬪狎獐倉卒丁難
募孤危臂獨撐掀鬢神颯爽張膽智崢嶸虎穴單車搗
蜂屯露刃睜投戈齊感泣免胄爲開誠妙算攻心戰祥
刑省面黥脅從憐附蟻首惡勦渠鯨安堵巢完卵歸塗
繩負縋降吳曹武惠難蜀馬長卿澧州屬永定連匪窟
史單騎赴賊巢穴誠心開諭黨眾感泣擒其渠魁九人餘悉宥釋得全活者凡二百餘人况值颶馳
會而當絡繹程熊咆篳鎮嶮站武溪灤烈火軍旗捲
殷雷陣鼓轟貔貅煙擁籠驚鶴雪連營冰硯宵磨盾九

泥白擊鉦椎牛千帳幡魚鱉五侯鯖辦可供嗟咄紛於
速律令轉輸需大帥辱畫賴先生

時苗疆軍需旁午禮當其衝刺史持籌擘

畫悉中機宜

誕德孚來格颺休咎載賡勞謙功不伐冊賞願從輕巖

崗藝朱憶渠陽繞碧泓先徽曾駐轍舊感漫題楹濟美

剛週甲逢年恰守庚至今誇盛事所泊益廉平

太翁退菴先生

以乾隆庚申判靖州刺史以嘉慶庚申刺靖州有感舊詩紀其事

抱撲求勾漏甌陽號

率更重臨仍草縣借署又梅城陌覆甘棠蔭塍垂瑞麥

稷扶藜鮐叟望跨篠髯兒迎犀綬霞紋匝鵬弧霧彩抨

哄騶勤課績買犢快催耕簾閣朝芬霽莎廳曉綠萌威

稜消案牘和氣減咎勞做讌投簪盍招賢潔鼎烹學眞
優則仕道必坦而亨繞膝三株秀循陔五綵頰泮芹爭
筵羽欄菊暫蜚聲燕翼詒謀遠龍頭局量宏更聞誇仲
子亦不讓難兄珮應台郎宿碑分築苑晴蔚然占豹變
季也得彪名顧我徒餬口蒙公特轉睛滋培噓朽櫟薰
沐席香蕙是日籌添壽當筵海獻禎梅簷寒破粉葭琯
冷煎餠赤薤玻瓈篋黃芝琥珀罌琳臺欣鏤爰緱嶺嘯
吹笙眞率衣影紵娑娑帽絡璫

絲綸褒卓茂驂轡御侯羸洛社圖須繪香山句倍銓掾
觚慙草草雕楮笑笑硜硜跼蹐管希講滌兕觥

六博草經

三十六灣草廬稿卷四

寧鄉

黃本

明

在

卷四

卷四

卷四

卷四

俠客行

血花灑虬鬚蕭蕭劍光怒不唱易水歌不拜要離墓走
馬主人門問主讐人住何處夜月在天陰風在樹莽然
出戶莽然入戶擲頭主前眼光如炬壽之千黃金仰天
大笑揮鞭去

美女篇

美女良家子眄睩非塵寰可望不可即來遲何珊珊頭
上蹙孔雀裁裁烏雲鬟耳後垂珠絡瓏瓏明月環頰潤

紅蓉萼指削青蔥根萬方昭儀態矯若驚鴻翻南山生
蘼蕪北山生榛菅堅韞蒲葦絲可以喻幽閑毋爲閉金
屋悵悵凋韶顏

別離曲

蒲生秋塘上托水以爲根君子逝云邁慘若飄泊人芬
芳抱衾綢婉孌懷餘恩昨宵鴛鴦與鵞今宵胡與秦安得
雙羽翼趣君雙車輪

家十六世父眼窺天奧心洞元胎飄飄有霞舉之
思中年棄諸生自號青崖道人騏遊武陵寄以
詩云武陵風景自長春未得浮家一問津願借

幾灣桃浪力桑麻雞犬識秦人次韻二首

扁舟滿載武陵春洞口何須去問津種就元都桃萬樹
道人原是此中人

桑麻雞犬舊時春鎮日尋春到此津逢着桃花開眼笑
神仙真箇世間人

自嘲

三日風四日雨誰家文章鍋裏煮俗諺寒不可衣饑不可
茹此事何與卿甘苦敲牙籌插銅鼓笑殺人山東虜

觀梅

破荒寒不受絕愛屋邊梅雪後一株古花先天下開儘

客入對詠亦有鶴飛來相契得真意孤香遞酒盃

雪

靜室暗聞響蕭蕭簷樹端火銷燈力弱冰透硯心乾
斷酒客長臥多衣人亦寒放歌出金石凍餒一身寬

又二首

凍雲鍊寒水灑空全是花此時天下冷大抵似吾家
險徑平無迹寥寥天地寬寄言行路客着脚十分難

對菊次韻龔鄧蘭坡先生

枝麟

久拚僻寂抱孤芳稱意籬東照眼黃滿地西風招客隱
幾枝傲節破秋荒天涯莽蕩搔吟鬢塵事消磨入酒腸

搖落莫裁門外柳閉關一枕晚來香

唐五竟海自胸海歸卽有臨湘司鐸之行以詩索

和次韻三首

便是文章吏君無負此官璫分半榻冷牕破十年寒湘
水歸吟榜胸峯倦旅鞍行勝書萬卷依舊秀才酸

白眼看同輩人人捉入官椎胸成嘯傲鍊骨敵饑寒
月酒千旆蹋春花二鞍龔狂君莫笑面目洗迂酸

笑走河陽幕榮於選一官相思生舊雨別意忍春寒折
柳車前笛尋梅雪後鞍吟酣鹽着水淡處得鹹酸

蘭竹圖爲友人題四首

曾服媚之如是最瀟灑有此君問屈大夫秋水招湘夫人綠雲

生谷不以無人到門何須問主煙雨千竿萬竿香風一縷半縷

米元章拜石丈林和靖娶梅妻一樣清風清福此髯寫入赫蹏

焚香讀種魚經丸墨搦來禽帖香祖得證同心綠卿乃標奇節

題唐竟海萬卷書屋圖且以誌別

男兒不讀書百爲無一可估畢吟秋蟲所見亦卑瑣徑

須訪名山登屨走塵堞識字魯靈光
搽文漢馭夢洞窺謨觴寔靈闢
瑯嬛鏤不然埽一室鱗櫛森牆堞
蕪糲十年讀翦燈五夜坐之子滄海
歸書滿米家舸駭我一幀圖萬卷
兩字大急檢入巾箱橫江鯨浪簸
昨宵風雨麤恐有蛟龍邏曾聞東
海洋徐市逃秦甌料理童男女詩
書想包裹其時百家言未盡咸陽
火世間難見書此中定然夥子儻
載之來一甌先借我掉頭莞爾笑
謂余言大左家公海門牧清風海
內播得俸便買書連屋堆磊砢式
穀一心傳析薪兩肩荷語罷眉稜
飛我亦振燐情父書讀未熟三十
困坎壈願跳入圖中解衣槃礴羸
錦

賸緇璘璣細籤影旖旎快意屠門肉大嚼願雙朶如渴
鼠飲河如饑猱饒果子胡別我去又攄湘江柁讀書良
至佳爲官要作麼終期訂從游鈔撮僕尙願隱几互校
讐清吟嘲飯顆

夜夢亡師周定軒先生錫齡書示二語云詞章塵
世無知已經藝蓬萊重此人瞿然驚覺灑淚挑
燈續成一律

附記

癸亥春騏館張竹泉刺史署中夜夢步過荒墟
旁一人指云此豐先生墓也淒然感賦云孤村
冷雨夜黃昏零落邱山片石存一綫蕭蕭白楊

路羊曇哭過西州門醒後書記冊上不知豐爲
何人閱一年甲子六月而我先生以疾終今來
夢示二語恍然悟前詩之夢卽爲先生歿讖也
蓋豐薨字方音不分羊曇一語顯徵之矣先生
績學能文章捐館前一二日口誦平生所讀書
日夜不歇彌留之際兩手猶作繒書狀嗚呼可
哀也已憶壬子癸丑間先生偶爲扶鸞戲有降
筆稱月宮仙子吳翠英者自言與先生前生爲
伉儷詩詞書翰贈答甚多猶記其一詩云三生
石上舊鸞儔記否牛衣泣晚秋一段仙雲分兩

界何時把臂廣寒遊後年餘遣其婢雲鬟來云
一紀後當與君重會今計先生卒年與所約之
期恰相脗合然則蓬萊一語或非虛也前後兩
夢何徵示之親切耶時嘉慶乙丑正月二十六
日

修文天上證前因夢裏師門意氣親三篋消沉千白戰
先生辛酉落解詩有文章我自卅年潦倒一青巾詞章
儲三篋白戰千回氣不降之句塵世無知已經藝蓬萊重此人兩語細吟真酷肖挑燈
續韻倍傷神

繡春詞四十首 有引

坐臥長沙郡齋春意薰人悶懷如酒成詠卽書
不遑詮次因拈嬾春二字括之

畫竿旂旗颭曉寒書生投刺拂塵冠一囊鶴料分堂俸
新署頭銜作府端

錦裯醉吐相公車狂徧江湖懶作才家可笑青衫凋敝
甚依然彩帳臥蓉花

泥人春緒太無慘淚濺銅荷絳蠟燒白翦鴉毛紅畫鴨
賣燈風裏唱元宵

塗黃廳事畫懸魚鎮日風清坐嘯餘聞道孔融官北海
憐才先草薦衡書

殘夢難尋舊板橋天涯雲散馬蕭蕭東風昨夜吹春去
綠到垂楊第幾條

皇攬撥余記梓潼文章應戴斗魁雄如何坐對箕張口

磨竭終年照命宮

余於二月三日初度世
以此日爲文昌誕辰

駒光狡獪等風馳烟月消磨百首詩二十八年塵小劫

今朝重學倒絢兒

孤負如椽筆不凡描人口角語喃喃公然賽譽朱齡石

花押銀鉤五十函

護花天氣讌花時黃嬈書堆睡起遲牕外樹分春幾許

綠痕攢破半枯枝

牆角樓臺護絳紗清歌夜月譜紅牙清魂怕唱兜鞋曲
勾我春愁入杏花

衣冠世態演春燈蒼鶻參軍帶笑登氍帽紅襦銀鞵鞢

分明一隊醉鬚騰

醉鬚騰朱樂部曲名

京兆風流絕世塵畫眉彩筆寫陽春因何自號頭陀鐵

笑折蓮花拜美人

張笠漁自號鐵意頭陀近聞納姬

胸海歸來起急裝冷官偏似熱官忙湘春門外春如水

送我離愁到岳陽

送竟海之官臨湘

海棠橋畔醉春回淮海清才亦艷才五字月明空外響

禪心鬼語被荒來

秦百二題余集有月明空外響之句

劉生慷慨賦驪歌
羶穠埋頭我奈何
九曲風濤帆一葉

夢隨君去渡黃河

送劉苞汀計偕北上

桃源洞口記歸船
評點新吟庶下篇
艷殺菜花紅豆子

昭潭女史戴衣仙

女仙女史名珣湘潭梁季修少府之室著有無下吟集中菜花紅豆諸什

爲時傳誦余適武陵時攜其集去最賞其咏史五十首不類閨閣語又烟江坐空濶星火望溟濛一首神近少

陵

樂府登場唱六如
湘州壇坫冷蕭疎
露桃花底焚香讀

南漢宮詞蠶尾書

六如亭院本張紫峴先生所填樂府也身後著作盈箱尙未刊行余篋中

存其親書南漢

宮詞十六章

迴鴈峯巔策杖遊
坡翁白髮耐清愁
紅荃蘼落香雲嬾

鈐寫人間作應酬

鄧蘭坡先生現遊衡山間所著紅荃懶雲諸集今併合為應酬雜稿

印公杯渡語彌天光透毗羅頂上圓莫笑豐干太饒舌

優曇花鉢湧詩禪

曾本照號印雲者有杯渡齋詩詞稿

桂林山色繞詩囊五柳家風一瓣香記和東坡枯葉響

輪君白戰聚星堂

陶季壽大令自桂林歸詩益雄贍會擬聚星堂雪詩屬和余為刪筆

真氣蟠宵老不降才名楓落冷吳江憐他寫韻簪花格

鏤管銀燈和鐵腔

竟海以近時詩老集見貽偶題其上

高誼論交到死生松陵賜句重傷情焚餘半部畱遺藥

刪訂煩公月旦評

前過吳門謁唐陶山先生蒙賜長句求訂先公遺稿至今尙未寄還

酌酒聯吟夢墨亭桃花春聚舊精靈柳州一片荒陵石

待乞昌黎墓誌銘

陶山先生許題
先公墓碣

少日塗鴉蘂半刪紙痕蠹粉墨痕斑未曾識面稱知己

猶有江陵程曉山

江陵程曉山孝廉召於會時余少作評駁見寄至今尚未接面也

官衙一榻墮懸塵兩載相依感倍真料理狂生到微細

憐才公是冒巢民

懷張竹泉刺史也料理到微細陳其年壽冒巢民句

四海平生一子由蘭燈闌韻遞吟壽年來半舫齋頭坐

詩向淵明集裏偷

虎凝近有半舫齋集陶一幀

排空幾字雁飛還千疊愁雲萬疊山湘水無情留不得

春風帶過玉門關

活火銅鐺聽煮茶低簷雙樹綠柯杈尋詩半圓春無賴

吟徧墻根薺菜花

矮子洲邊水泊村環江漁祖又漁孫魚箱夜半浮春水

醉買堆花

酒名

賀狀元

湘江當春漲時漁戶結網爲箱以蓄聚子魚箱魚多者有魚狀元魚

秀才之目

綠波無復盪吟舟如此風光付臥遊兩朶烟鬟青縹渺
過江山色寫僂愁

濯錦坊前賈傅祠楊花一桁雨絲絲長沙自是才人地
今日風流讓阿誰

搔首中天插斗杓鬼興旁駕柳旗招台符影裏光芒大
處士星明看伍喬

獻賦空聞點不加幾年追悔讀南華山妻一笑鮎緣竹
負我雞燈佐續麻

爨炊無火忍朝饑料峭寒生又典衣寸草有心春浩蕩
幾曾菽水慰慈闈

文章京漢鬱扶輿檄草西南諭蜀書才子從來多好色
茂陵風雨臥相如

我亦揚州杜牧之當筵曾賦比紅兒烟花零落啼鶯老
誰向東風舞柘枝

映牕白醉湧金鑼襖著黃棉曬濕蓑布穀一聲畦水綠

姐郎齊唱種秧歌

湘中秧歌多以姐郎入唱

偶隨裘屐蹋重三
襖飲平橋水蔚藍
綠樹人家環水住
滿簾花雨浴紅蠶

差差新翠點牆苔
廿四番風漱灑催
細囑闌邊紅芍藥
少畱春色莫先開

新愁舊感疊烏絲
官閣吟成祇自知
欲倩雙魚寄同調
銅絃和我嬾春詞

楊花四首

又聽街頭喚賣飴
滿城飛絮過清明
香凝綠水烟無際
淡寫紅橋月有情
拋我春愁難駐馬
攬人離緒約流鶯
尋芳莫踏章臺路
漂泊斜陽了一生

銅鞮飛送一鞭春
攀贈驪駒胥落塵
幾縷花風薰舊夢
十年萍水誤前身
鈎簾心蕩樓頭婦
翦紙魂銷塞外人
欲寫陽關入羌笛
顛狂情態總難真

糝遍長條復短條
白門春盡影蕭蕭
漫天飛雪過三月
滾地香風送六朝
瓊樹難畱妃子步
露株空擺女兒腰
繁華撇眼真如夢
管領興亡舊板橋

過牆無影打隋宮
錦纜牽花霸業空
遮莫棲烏啼夜雨
依然飛燕啄東風
楊婆唱到溟濛處
謝女愁生黯澹中
白滿長堤春萬點
含情捉搦倩兒童

題中州李虞卿

衡一詩集
集名待
名楷
集草

瘦硬發奇響蒼茫何處尋峯撐石露骨月墮秋寫心此
意有誰識我情相與深恐君竟焚去洗耳聽爨琴

巴陵李氏雙節詩

洞庭水枯湘水絕竹上之斑洗不滅鬱哉清淑蒸巴陵
隴西高行雙皎潔道逢隴西君爲我從頭說太母髻髻
纔及笄慘我家公藐如髮欲生欲死兩爲難誓寫柏舟
泣秋月吁嗟海難填况乃天多缺艱難及阿母後先踵
一轍蠢蠢小子文祿中兩母相對神鳴咽畫蘆餐蕨幾
冬春貞石嶙峋屹巖窠蒼筠秀榦磨冰霜鬼神森布鑒
凜烈令我聞言叫咄咄蠟丸淚灑燕山雲羶乳卧啖天

山雪吁嗟乎彼臣節兮此婦節

澈浦李明府自鋤明月種梅花圖

仙吏花園縣蕭然又種梅香中詩客夢紙上美人來碍
白疎扶竹環青暗補苔耒翻明月影宛向廣寒栽
幾生修到此一幀寫寒烟滿地香於雪前身水是仙裁
雲新種植洗月舊因緣想得停鋤處簪花笑問天
勲業憑持鋪心情證養花挂蟾參活相伴鶴老生涯香
國真高隱孤山小住家定知吹鐵笛一嘯踏蒼霞
仙骨畱金粟青蓮再度身尋詩香滿樹對影月三人此
境生虛白爲花寫性真囑須添畫我折贈一枝春

前題代汪容川司馬

哥鄉庾嶺梅花國溟濛莫辨枝南北醉中鐵脚梯層雲
笑嚼寒香嚙春色君從何處窺得來粉本半幅春風開
澆花明月漾如水鴉鵲斫碎青莓苔花香衣香雨滉漭
月影人影千裊裊定知一枕羅浮夢霓裳裊襟裾罽
想君栽花到湘水手把芙蓉佩蘭芷美人香草靈均魂
應有芳心先繪此不爾一棹桃花風武陵紅雨吹船篷
雞犬桑麻課耕績坐使風氣迴厖蒙胡爲貌取癯仙樣
千樹萬樹春駘蕩由來講易見天心怪底譚禪空我相
流水今日月前身冰雪聰明豁塵障練光潑眼白於煙

令我衣袂俱翩然他時來臥梅樹底爲君招鶴西山巔

汪公子

楸檟

岳陽樓雪望圖次陳莪孫解元

世昌

韻二首

去釣洞庭雪纔知此幅工湖光橫白冷樓影界青濛捲
幔天低水環城樹撼風看君吹鐵笛一曲玉璫璁

繪補希文記徘徊重倚闌此時千屋白天下幾人寒茁
樹冰搓筋粘衣絮翦團中藏憂樂意特獻鯉庭歡

九日次韻龔吳春林二首

雪爪經年祇寄籬西風搔鬢倒千卮何人漉酒陪陶令
爲我餐英讀楚辭瘦影吟秋峯疊疊清愁寫夢雨絲絲

題糕記譜龍山會鐵板重翻舊日詞

振衣同嘯次寥天振觸前遊意惘然拜石三吾梯棧嶮
磨崖一頌揭蒼堅生涯笑我仍鷗泛秋思驚人在雁先
寄和君詩狂似昔茱萸醉把訂年年

一連日塵氛轆轤鬱鬱愁人仍疊前韻東春林二首
紅塵插脚礙藩籬無當由來似漏卮癖有吟魔真可笑
愁如惡客了難辭壯懷霜鶻秋摩爪生事冰蠶夜縛絲
却掃閉門聊獨坐開襟再和夢臆詞

冷雨寒霜養菊天一罇坐對影迢然疎狂迂世客中散
譚笑逢賓戲孟堅欲張羸軍終步後難操勝局與爭先

烟蘿况負名山約嫁娶秋風累幾年

澧陽書院山長陶雲汀編修

澧招譙一葉禪林

繞利墮寒碧炎風失午天千竿森翠竹一葉拜青蓮太史陶邱長諸生魯國賢招邀移飲榼爲我洗塵緣

唐竟海偕其楊夫人剡菱聯句依韻奉和

挽鹿諧賡唱新詩得剡菱珠排青錯落玉碎紫嶙嶙練影浮雙角奩花晃一層晚颼涼在水澹月冷於冰北渚波初漲南湖櫂可憑香牽絲麗殿秋褰肉觚稜棘手煙先掬鉤衣翠半登雞飛真宛爾駕夢記前曾淬刃清霜滑森盤綵霧凝攢頭釘並簇沁齒貝堪稱風味淘槐冷

形模糗黍蒸製仍披絳雪啖不讓紅綾與芡清如友依
蓮淨似僧沙磨畱幾斛飲佐三升笑我吟懷澀輸君
逸興增蘭閨爲寫韻酬和滿溪藤

彈琴圖爲竟海題

枕石咽流泉清音發自然春生三尺槁風入七絃得
趣真忘我求心但任天何須滄海外浩蕩訪成連

徐廣文

清選

授經圖

經學久不講小儒事干祿遑遑歌驪駒恣口罵狗曲美
哉城北徐志邁濟南伏啣尾兆三鱣折角嘲五鹿被羶
獨愛冷花開到苜蓿傳家抱一經趨庭立雙玉此中味

至腴無憂飯不足詒謀勝簫金寓意託畫軸亭亭雙桐
陰掩映林牀綠風縑甲乙籤日陳庚子讀說詩真解頤
貯書待矚腹指授何紛綸畫裏聞責督長幼拱而立誦
聲滿墻屋看跨邊經笥壓倒李書麓明經必致用不比
鈔胥錄禹貢治河渠春秋讞疑獄久乃溢奇怪經濟發
簡牘平輿躍二龍他日瞻式穀捲幅爲君歌紅霞舉林
麓

丁卯出關後武陵唐五竹谷

開韶

讌集同人余後

一日始赴書贈此什

木樨香影聚羣仙折柬招邀敞畫筵灝氣夜騰三尺劍

壯懷秋寫七條絃芝蘭舊結風騷契山水新添文字綠
笑我後期牽俗夢霓裳倚聽徧諸天

竹谷以讌集詩見示次韻

讌花宜捉蟹此地少監州霜氣紅侵樹山光綠上樓酒
腸寬舊雨詩骨聳高秋不負平生語逍遙馬少游
我亦馳驅客萍蹤半九州鶯花曾入社吟嘯此登樓劍
氣風霜夜琴心天地秋來探金粟影應勝舊時遊

竹谷歲以六月十三日讌集詩人於武陵涵碧亭
爲家文節公作生辰繪圖索詩

帖垂元祐脚詩衍江西派涪翁起北宋名埒蘇米蔡瓜

歷五百年渺難系世代祖德不能述愧我雲初輩尙論
友古人唐衢風瀟灑爲翁作生日六月讌良會火雲燒
肉山洗汗縛冠帶壽以瑤琬詞薦以蘋蘩菜一亭俯涵
碧雅集入圖畫我昔踏春風桃花訪仙界翼然此孤亭
記在西城外樹繞幾株烟吹綠墮衣袂流水小橋灣倒
影瀉飛黛有詩着此境俯拾卽天籟况與古爲徒一瓣
心香在繪勝桃源圖千秋又佳話誰云武陵人但解傳
荒怪披幘尋舊蹤我似來遊再俎豆緬高會低頭悚一
拜

求白雲先生作

名流弄筆滿天下，彊搜故紙摹鍾王先生雅識定武法。
適筋秀膩含堅蒼桃菜，前柳亞析秒忽黝點黼森豪。
芒此妙在心不在手，放字落紙心軒昂想其命筆如命。
將鵬弧力拓千鈞，強神酣據案誓決戰駭猊怒兕燒昆。
陽有時東風扇妍媚造化入腕生春光珊珊天女踏雲。
至萬花散彩雙鴉黃，昨年賜我過秦論軸以翡翠函琳。
琅偶爲同袍攫之去，夢摹十日神癡狂再乞先生示筆。
陣研牋片段凝秋霜，晴簷露洗紅絲硯銀鉤細灑松花。
香學書倚振元祐脚一頭放出誇門牆肯效饞奴恣大。
嚼朝餐但換屠門羊。

塞上曲 詩牌圖成

北斗夜招搖孤城過雁高
短衣馳細柳醉舞赫連刀
霜凋金鎖甲風響鐵胎弓
夜戰條河北蕭蕭萬壑空

上廉訪曾賓谷先生四首

雲移絳羽照湖湘
鼓吹鳴騶駐繡裳
粉帳華勛懸白簡
花磚舊秩富青箱
宣風和氣容巢鵲
式俗威稜憐飲羊
回首平山游讌處
歐公佳話徧維揚

淮水霜飛聽煮潮
司離學士擅清標
笙歌絳幕三千客
詩酒紅闌廿四橋

國計挽輸催畫鷁

天書赫渥動華貂文章政事真風雅夙倚南雲望斗杓
題襟闕館集名流圖韻華鐙遞唱酬夜雨鄭莊開廣驛
春風白傅製長裘芳陰徧植甘棠埭香草來吟杜若洲
拜佛萬家歡動地柏臺今見富民侯

觀風藻拔到黃童感激深慙學未工載酒無師牕雪白
和丸有母壁燈紅搜材漫品籠中藥入聽思調藥下桐
十載心香懸一瓣光儀此日拜南豐

柬金子青

學蓮

展圖一笑見新詩迴不猶人出語奇

子青以題畫詩見示語甚奇咽

水芷蘭來賈誼捲簾花鳥伴徐熙紅添鑪篆畱歌袖綠

瀉薇香入硯池弄篋研光忙送似要君醉後潑臙脂

登嶽麓峯望嶽次曾賓谷先生韻

一氣排青蒼嶽色破天展循湘蜿蜒來環抱勢百轉九
疑羅兒孫三楚扼關鍵我公躡其麓眼豁天與遠雲漾
九千丈歛吸車輪輾低笏拱祝融黛落眾峯淺恭聞崇
望秩煌煌紀舜典羲娥鞭跳盪陰陽劃晦顯冠古呵神
碑刼不燬野燹糧貯石廩開旒懸華蓋偃效靈翊

聖朝譬彼王臣蹇鎮離朱鳥翔火德長燁燁荒渺紫虛

君彩鳳暫飛輦焚頂燭愚民百舍忘重趼

湘俗秋後男女雜沓赴嶽

進詎知嶽降神執柄司豐阜觸石潤崇朝神功婉岱畎

允矣南山壽天保歌俾戩矜蠻會公誠萬靈湊一眄

原作

南城曾煥賓谷

衡山自南來天向洞庭展餘勢猶鬱盤湘流此一轉
祝融居處尊門戶謹關鍵雲麓乃初階去天已不遠
手捫長沙星車轄左右輾右俯蒼梧低左臨漢江淺
恭惟南嶽靈亘古崇祀典助順在

昭代神功更丕顯曩者逆藩來七澤熾兵燹維嶽彰
冥誅蚩尤旗盡偃有苗嘗弗率態作夜郎蹇維嶽奮
風雷溪峒懾威燁績當刊禹碑巡不勞舜華用能感
邦人拜嶽恆累趼

山嶽有拜嶽石

昨余初蒞官燠燠頗憂旱

牲幣偶告虔甘霖徧疆畎牧民本無術允賴神降戩
雲霧何當開精誠託遙眄

嶽麓寺題壁次賓谷先生韻二首

彌望皆無邊中峯青到天

今寺名中峯

鶴盤松杪上雲盪寺

門前塵劫空流水江山落點烟此來參慧業伴佛契詩
禪

蒼茫倚日邊渾欲問青天碑自留唐後儒空說宋前石
蒸三楚雨松老六朝烟輸與棲雲衲傳燈證禪

原作

曾燠

倚檻嶽雲邊蒼茫極楚天江山三戶後臺殿六朝前

塢影移湖月鐘聲散浦烟古來騷客意銷釋向枯禪
晚渡湘江次賓谷先生韻

蕭蕭起寒響木葉下前川客思在秋水孤襟開晚烟疎
鐘林塔外遠火驛樓邊涼雁幾時到懷人又渺然

登岳陽樓次賓谷先生韻

層樓跨湖水飛影壓君山曩哲詠觴處古懷憂樂間遠
紅拖日脚空翠亂烟鬟忽聽滄浪曲何人鼓枻閒

原作

曾燠

昔年遊震澤長嘯洞庭山餘氣吞雲夢乘風到此間
軒皇天外樂堯女鏡中鬢駭怨彌終古余懷那得閒

雪望

天地忽同影山川無舊客酒家在何處此徑有人蹤折
凍鳴枯竹撐寒牖老松癡肥來對我失笑屋邊峯

丁卯除夜

如駛華年又轉移數聲寒漏夜遲遲澆愁有地難賒酒
避債無臺況欠詩浣我素心畱雪影溫人春氣遞梅枝
靚盤罷飲風蕭索立倦巡簷悵所思

賓谷先生西谿漁隱圖

吹綠西堂草東風意黯然

公與伯兄蘇生先生約隱西谿迄繪此圖蘇生先生久下

世矣湖山歸畫藁勲業問漁船花譙揚州月蘭紉楚澤烟

一溪峯七二招夢五雲邊

谿上凡七
十二峯

賓谷先生賞雨茅屋圖

讀公茅屋集宗風振典雅浩如春雨施霑溉徧天下輪
囷育羣材造化入鑪冶兩人三日霖庇士萬間厦遐心
托佳繪一堂開綠野宅誅宋玉茅竹陋黃岡瓦素琴卧
花陰流水冷然寫聯峯滃雲氣青峭露紺閣挂瀑石琤
潄環林翠飛颺近隣麻姑源遠結廬山社坐賞發遙吟
新詩定盈把移來淮海雲夜聽湘流瀉我侍座中春快
飲春滿竿

題畫

埽石焚香了淨因
苔花如繡晚涼新
橫琴欲訴秋無語
合住臨邛伴美人

涼雲春送藕花汀
滿徑祠陰一榻青
他日訪秋來小坐
松鑪微雨讀茶經

次韻龔秦百二

關

游屐經旬蹋橘林
懷人苦調寫幽陰
四絃疎雨銅琶冷
一穗殘燈竹屋深
作客自憐秋燕影
吟寒同抱草蜚心
蛾眉莫妬瀟湘水
蕙泣蘭愁已到今

弓衣誰與織雞林
偶息塵機學漢陰
遠岫寒雲招夢去
荒庭落葉寫秋深
酒澆阮籍中年淚
劍嘯劉琨半夜心

好語傳來須一笑焦桐入聽在而今

來詩

湘潭秦關百二

三匝西鳥倦繞林一枝棲月古城陰青霜吹戶峭寒
早黃葉打門秋氣深駑馬縱無追駿力飛蓬猶有憶
麻心凌雲看奏河東賦三十功名正及今

有以詩集索評者不知其人謾題一律

塵夢輪蹄徧三年懶作詩磨雲朝倚劒坐雨夜圍棋此
帙來新賞斯人似舊知英風騰紙出爲我豁秋思

明妃曲

妾去胡無兵妾在邊不寧漢月胡沙玉關道琵琶絃咽

英雄聲呼韓放馬貳師撤營烽煙夜冷單于庭衛青天
幸生降陵百戰邊功待妾成生死報國國恩厚君王莫
殺毛延壽

二十六灣草廬稿卷四終